



13  
1787  
33



13  
1787  
33

事言要玄卷之七

總督軍務

王元美曰高皇帝初中山武寧王達等下陝西遂適平甘肅寧夏諸鎮秦慶肅三公填之而侯伯都督耿秉文等理兵政間命宋穎諸國公一按閱操練而已永樂始命寧陽侯陳懋西寧侯宋晟鎮寧夏寧遠侯何福等鎮甘肅而文臣不過分理文移治糧餉而已正統初西虜弗靖始命兵部尚書王驥提督諸軍據總兵官任禮掌貴上討平之而陝西命右都御史王文陳鑑分歲鎮守然實未嘗合三鎮而歸一總督也成化初滿四據石城叛詔左副都御史項忠總全陝三邊兵討之已詔右都御史王越右副都御史馬文升總兵如之然有事而置事已則革不爲

恒也弘治十年始起王越以太子太保左都御史總制禦火節  
十一年平十五年秦紘以戶部尚書起寄如越自是定矣嘉靖  
十九年避制字改總督都御史楊一清陳震張泰唐謹張珩  
曾銑貝應春魏謙霍董梅友松等

宣大始贊理鎮朔征西二將軍軍務兼理巡撫後或合而一或  
分而為二自尚書石璞之總理則總督昉也然或置或否至嘉  
靖十年而始定耳都御史王越余子俊李介史鏞閻仲宇  
文貴叢蘭丁鳳劉源清翟鵬翁萬春等 總

督薊遼保定軍務最為近設嘉靖二十一年因虜警胡守中以  
兵部右侍郎提督駐劄薊鎮二十九年孫禮以兵部左侍郎提  
督未久俱勒歸最後始創設總督開府密雲總轄順天保定遼

東三巡撫總兵以下悉聽節制仍兼理糧餉都御史何棟王忬  
楊選劉熹曹邦輔  
劉應節周詠  
國彥等 洪武元年師未下廣東西命永嘉侯朱亮祖出

鎮廣東永樂中廣西則都督韓觀安遠侯柳溥相繼為大帥得  
專征正統十四年苗寇崛起廣東則命侍郎揭稽廣西則命侍  
郎李棠各巡撫之然二廣地勢犬牙賊東西豕突來往叵測而  
武臣自守便利不相策應 天子用兵部尚書于謙言命太子  
太保左都御史王朝總督兩廣軍務自總兵以下悉聽節制一  
切便宜從事然事已即歸不恒設成化元年因外訌陞浙江叅  
政韓雍為僉都御史贊理軍務然制書特重雍既平寇遂命總  
督軍務兼理巡撫久之雍以兩廣土地廣遠恐餘孽復生重貽  
邊患請於朝得文武大臣分理其事 上命副都陳濂撫廣  
東僉都張鵬撫廣西而雍專治軍尋以憂去五年復起雍以右  
都御史總督兼巡撫於梧州開設總府居中調度兩廣副總兵

參將而下悉聽節制而兩廣巡撫復不設仍統於總督正德十一年改總督為提督嘉靖四十五年因廣東寇發遙制不便兵

部題准總督軍務止撫廣西於廣東另設巡撫至隆慶四年又

改總督開廣燕理糧餉巡撫廣東於廣西另設巡撫都御史馬昂葉盛吳

琛林廷選楊旦蕭紳王守仁林富張經張岳王鈞鄭經吳桂芳劉堯海陳瑞郭應聘吳文華吳善劉繼文戴燿等

總督漕運燕巡撫太祖有天下漕東南粟於海以營

遼東五年屬靖海侯吳禎後卒乃遣都督朱壽張赫領之二十

年冬十月享太廟封壽舳艦侯赫航海侯又嘗建漕運使尋

罷成祖始命平江伯陳瑄治漕河內地贍北京景泰二年特

命都御史王竑總督與總兵參將同理其事尋令淮陽廬鳳四

府徐和滁三州屬竑巡撫監督常盈倉以淮為治所至成化八

年改巡撫總漕各設一員明年復舊正德十三年又各設一員

十六年復嘉靖三十六年又改各設一員四十年復都御史陳泰勝

璋徐鏞王瓊邵寶屈直李欽劉節應賈馬森王宗沐奇應龍薛三才等

各省巡撫海涵錄舊制無巡撫侍郎等官宣德中吏

部止有蹇尚書左右侍郎久缺後蹇奏保文選鄭郎中誠陞右

侍郎本部趙郎中新事蹇媚且久因缺望日言于蹇曰鄭誠做得

趙新如何做不得蹇欲奏難于中命久之假以巡撫各處為名

保陞十二人為侍郎趙得列巡撫江西此巡撫之名自趙新始

節度使

類聚古方伯連帥之職後漢劉虞為幽州牧就拜大司馬公孫

瓚討烏桓詔令授虞節度晉伐吳詔王守受杜預王渾節度唐

自武德至天寶以前邊防之制其軍城鎮守捉皆有士而道有大將一人曰大總管已而又曰大都督至太宗時行軍征討曰大總管在其本道曰大都督自高宗永徽以後都督帶任持節者謂之節度使然猶未以名官景雲二年以賀拔延似充河西節度使自此以後接乎開元天寶之間朔方隴右河東河西諸鎮皆置節度使緣邊之地凡八節度外任之重無比焉宋故事節度使不帶使相位在卿監下至乾德五年升節度使班在龍墀內金吾將軍上無定員恩數與執政同初除瑣院降麻禮尤異焉祖宗以待宗室近屬外戚國婿年勞久次若外任除殿帥始授此官亦止一員或有功勳顯著任帥守於外及前宰執拜者不輕受元祐官品令節度使從三品元節度使正四品國朝十三

省各置存政使仍設巡撫以督鎮之似為節度安撫職也

唐百官志節度使掌總軍旅顓誅殺初授具帑秣兵伏詣兵部

辭見官察亦如之辭日賜雙旌雙節行則建節樹六纛中官祖

送次一驛輒上聞曲阜制帥鉞將旌六帖節制諸侯糾繩列郡建牙大任分關重寄轅門幕府將星人傑

唐節度使入境州縣築節樓迎以鼓角衙仗居前旌幢居中大

將鳴珂金鉦鼓角居後州縣齋印迎于道左從事三日洗印視

其利闕歲以八月考其治否銷兵為上考足食為中考邊功為

下考常衮集再麾飄飄而出守十乘麟麟以啓行龍節

張延賞為淮南節度歲旱民它遷文禁之延賞曰拘此而斃不

如適彼以生乃具舟遣之勅吏為脩室廬已逋債而歸者更增

於舊瓜步舟車津湊而遙繫江南延賞請度屬揚州自是行無

稽壅

楊炎河西節度使廳壁記皇帝肇建節制之任位以上將王四方之兵濟河而西五侯四將十有六縣大海磅礴乎終始山河迴流其左右旄頭虎力之勁劔服穹廬之長煌煌長車千乘橫今萬里皆主乎是邦故秦已上為成都漢以下為巨防有城府襟帶唐良將大勳焉有五都污雜焉其風悍其國險鮮車龍服翬然相蕩非古之戰守曷以成其烈而樹其風者哉

開元十四年河西節度副大使知節度使蕭嵩同中書門下平章事節度如故宰相遙領節度自此始

王仲嗣為河西隴右節度使權朔方河東節度

重地控制萬里

柳公綽使山南時牛僧孺罷相入江夏公綽具戎服於郵舍待

之軍吏以漢上地高於鄂禮太過公綽曰奇章纔離台席方鎮重宰相是尊朝廷也竟以戎服見之嘗行部至鄧縣有二吏犯法一賊絹一舞文判之曰賊吏犯法法在奸吏壞法法亡誅舞文者

唐志杜牧追咎長慶以來朝廷措置無術復失山東鉅封劇鎮地大者連州十餘小者猶兼三四故兵驕則逐帥帥強則叛上或父死子握兵而不肯代取捨由於士卒往往自擇將吏號為留後以邀命於朝天子力不能制因而撫之謂之姑息之政姑息愈甚而兵將愈驕由是號令自出以相侵擊

宋史三世節度使一家吳琳子挺孫曦四世二家錢忱高祖倣曾祖惟演父景臻鄭藻大父紳父成之子與裔五世一家韓侂

曾祖忠獻從子邈從孫同卿曾孫某

兄弟建節七家吳玠弟璘錢忱弟恒常謙弟謹

吳益弟蓋吳拱弟挺吳瑤弟琢李孝友弟孝純

### 安撫使

考索梁武帝普通六年置魏以鄜道元為大使慰撫六鎮大使始此隋開皇詔遣柱國韋洸安撫嶺外仁壽四年以楊素為并州道行軍總管河北道安撫大使唐貞觀初遣大使十三人巡省天下諸州水旱則有巡察安撫存撫之名節度使兼之則有副使天授二年發十道存撫使宋不嘗置自咸平二年以翰林學士王欽若為西川安撫使知制誥梁顥為陝西安撫使安撫使之名始此其後景德三年始置河北沿邊安撫使以雄州守臣為之而陝西沿邊諸州亦有安撫使皇祐四年詔廉桂二州

帶經畧安撫使宣和二年臣僚言陸賊猖獗乞以杭越知州總領諸路安撫鎮撫一方詔杭越州江寧府守臣並帶安撫使詔洪州守臣可依江寧府安撫使凡諸路安撫逐州知州兼以直秘閣以上充掌總護諸將統制軍旅察治奸宄以肅清一道凡兵民之政皆掌焉建炎四年又有安撫大使自兩浙西路劉光世始二品以上為帥即為安撫大使元有安撫使正三副使正四品

唐職林儀鳳二年詔裴行儉為安撫大使使歸至京師將吏為

刻石於葉城紀功帝勞曰行儉提孤軍深入萬里兵不血刃叛

黨擒夷可謂文武兼備矣

狄仁傑字懷英突厥入趙定標掠遁去拜仁傑河北安撫大使



時民多脇從於賊仁傑願曲赦河北一切不問詔可

常衮代裴相公讓河南府道副元帥表伏以東征之寄相宅之選皆周召之臣保釐統一也故二南風化見美詩人况洛邑經陸渾之戎有舊染之俗賴陛下發皇明以燭之布陽和以煦之流散所歸傷夷甫起非宏畧傑出功冠一時不可以專五侯九伯之征總衣裳兵車之會

韓愈呈王中丞旁午降絲綸中堅擁鼓鐸江淮永清晏宇宙重開拓

言行錄韓魏忠獻王琦益州路人饑爲體量安撫使公至則蠲租減稅以募人入粟招募壯者刺以爲廂禁軍檄劍門關民流移欲東者勿禁全活饑人百九十萬蜀人曰使者之來更生我也比狄梁公戎狄尤異公名允使契丹及來使者必問韓侍中安否

晦庵行狀劉忠肅公珙巨寇李金奮起爲亂以公爲荆湖南路安撫使公入境賊衆已數萬公檄隣道謹圻堠守隘塞亟奏請下荆襄發卒又遺書制置使沈介請毋須報而亟遣介爲遊兵官軍日盛而賊勢日衰於是賊徒執李金以降酋黨盡戮既乃錄諸將之功狀列上不以一毫有所私上嘉歎再三璽書褒美周益公集張忠定公燾外和內剛臨事有仁者之勇在蜀四年尤著惠愛百姓皆畫像以事後帥李璆贊云公昔在蜀千載一人公今去蜀千百其身願公再來以慰斯民蓋實錄也

送鄧漕移帥揚州碧幢紅旆擁西風幾點淮山落眼中卧轍正

看留使者寒帷早已識元戎留別金陵韓帥十二麟符玉截肪  
腰間仍映帶圖黃槐影緩趨三接畫棠陰先滿十連堂

楊次公贈馮揚帥文章老元帥節鉞古諸侯路穩歸黃閣功成

建碧油

經畧使

考索唐正觀二年邊州置經畧使此蓋使名之起節度兼度支  
營田招討經畧使則有副使判官各一人儀鳳二年以黑齒常  
之為河源軍經畧大使永淳元年婁師德為河源軍經畧副使  
至德三年賀蘭進明除嶺南五府經畧兼節度使宋朝不常置  
咸平五年始以右僕射張齊賢為邠寧環慶涇原路經畧使判  
邠州諸路軍馬並受節度皇祐間儂智高擾邊詔知廣桂州竝

帶經畧安撫使自後西南二邊常帶經畧所以重帥權而服羗

夷也其經畧安撫各以直秘閣以上充掌一路兵民之事皆帥

其屬而聽其獄訟頒其禁令定其賞罰稽其錢穀甲械出納之

名籍而行以法若事難專決則具可否稟奏南渡之初依舊制

廣南東路帶主管經畧安撫司公事帥臣任河東陝西嶺南路  
御戎夷則為經畧安撫使

西路帶經畧安撫使紹興五年令襄陽守臣湖北帥帶經畧安

撫使元置經畧使正三品副使從四品

唐職林戴叔倫為客管經畧使綏徠夷落威名流聞其治清明

仁恕多方畧所至稱最德宗嘗賦中和節詩遣使者寵賜張公

安南經畧使自為使習於海邦去之則夷獠稱亂復至則寇攘  
順化及受命專征牧人盡區處之方制國備刑體之法儲峙委  
積師旅無庚癸之呼繕完板幹控帶兼戍已之位皆用周  
禮率由漢儀奇珍良貨溢于王府殊俗異類盈于藁街

澠水燕談范文正公帥邠延涇慶四都恩德著聞夷夏登服熟戶蕃部率稱曰龍圖老子至於元昊亦以此呼之

言行錄余襄公靖字安道嘉祐五年交趾寇邕州殺五巡檢驛召公以為廣西體量安撫使公至則移檄交趾召其臣費嘉祐詰責之嘉祐皇恐對曰種落犯邊罪當死願留取首惡以獻即械送五人送欽州斬于界上

晦菴集張敬夫經畧安撫廣南西路朝廷買馬橫山歲久弊積邊氓告病而馬不時至公究馬利病得六十餘條皆有以窮其根究而事為之防由是諸蠻感悅爭以善馬來歲額率常先期以辨唐中宗二年置十道巡察使姜師度馬懷素等充四年以王繼恩為宣政使大曆十四年以白志貞為都知兵馬使筆談予為鄜延經畧使日新一廳謂之五司廳延州正廳乃都

督廳治延州事五司廳治鄜延路軍事如唐之使院五司者經畧安撫總管節度觀察處置五使今節度之職多歸總管司觀察歸安撫司處置歸經畧司其節度觀察兩案并支掌惟判官今皆治州事而已經畧安撫司不置佐官以帥權不可不專都總管副總管鈐轄都監同簽書而下皆受經畧司節制

白居易送嚴大夫赴桂州地壓坤方重官兼憲府雄桂林無瘴氣栢省有清風山水衙門外旌旗艫艫中

張籍送鄭尚書出鎮南海牙旆從城展兵符到府開蠻聲吟夜市海色潤朝臺

杜甫送李大夫赴廣州斧鉞下青冥樓船過洞庭北風隨爽氣南斗避文星

宣撫使

類聚唐元和十四年淄青克鄆等十二州平詔戶部侍郎楊於陵以本官充淄青等宣撫使宋祖宗時不常置有軍旅大事則命執政大臣為之累朝但除向文簡范文正富文忠文忠烈韓獻肅五人仁宗征儂智高以狄青為宣撫使武臣宣撫自此始建炎三年張魏公以知樞密院為宣武處置使元仍宋制

經畧稱元帥四川制置曰制使總領曰帥  
臺主軍糧也提點坑冶司曰泉使主鑄錢

自往督戰以彥博為河北宣撫使彥博奏今在軍中請得便宜從事上許之閏月克具州擒王則

係年錄鄭剛中字亨仲為川陝宣撫副使節制諸將極其尊嚴

三都統每入謁必先庭揖然後就坐及吳璘升檢校少師來謝詔主閣吏求講均敵之禮剛中曰少師雖尊猶都統制耳倘變常禮是廢軍容璘皇恐聽命

咸平二年詔兵部侍郎參知政事向敏中充河北東路沿邊宣撫大使樞密直學士馮拯陳堯叟充副大使巡按郡國存問官吏將校耆老百姓等真宗御長春殿置宴以遣之

言行錄李綱字百紀為湖廣宣撫使有統制官張彥忠者駐軍廣州頗擾一路公為宣撫使召之不來公察忠 樂為郡檄令權知岳陽忠 果至即械送所司取旨誅之

虞忠肅公允文自逆亮叛順王權失律公以宣撫視師江上大破賊軍逆亮遁入揚州是日李顯忠至公曰京口無備我欲往

公能分兵見助否顯忠即分李捧軍一萬六千人及戈船百艘會于京口公至京口謁劉錡錡曰朝廷養兵三十年我輩一技不施今日大功乃出於儒者我輩愧死矣

張說和餞王駿巡邊六月歌周雅三邊諗夏卿欲施攻戰法先作簡稽行禮樂知謀帥春秋識用兵一勞堪定國萬里即長城策布和戎利威傳破虜名

呂溫送范司空赴朔方築壇登上將膝席委前籌虜滅南侵趾朝分北顧憂抗旌迴廣漢撫劍動旄頭布政使

類聚周官唐虞稽古建官惟百內有百揆四岳外有州侯牧伯內有九官總之於百揆外有十二牧總之於四岳我朝內庶設六部即虞之九官外建十三布政使司即虞之十二牧

政惟和晉魏謂之行臺後魏為大行省隋隨其所管之道置於

外州謂之尚書省元外道置中書行省有左右丞參政僉行省

斷事官同僉行省郎中員外等官國初置江南行中書省後

改為承宣布政使司布政使視平章從二品左右參政從三品參議

從四品其屬經歷理問俱從六品副理問都事俱從七品照磨從八品檢校正九品

品之職焉

址史齊辛術為東南道行臺文宣勅術曰留卿為臺欲理迤民

冤枉監理牧守

蘇綽為周文帝行臺郎中僕射周慧達稱其有王佐才帝召綽

等語曰真奇才也即拜大行臺左丞參典機密韓愈送文珍當藩垣并翰之任

有弓矢鉄鉞之權惠文而出谷岳政入填邦紀文選受瑞折瑤建麾作牧

宋書范仲淹於監司也取班簿視不才者一筆勾之富弼曰一筆勾之甚易馬知一家哭矣仲淹曰一家哭何如一路哭

賢奕編豐布政公慶一日行部有知縣簞簞不飭聞至乃以白金為燭饋之公未之省既而廳子以告公佯曰試燃之廳子曰燃而不燃也公又曰不燃則還之耳次日從容謂知縣曰汝燭不燃盡出之自今無復爾矣終亦不明其為銀燭事也論者曰此一事也而持已之廉待人之恕遠謗之智胥得焉

弇山堂洪武十三年以前吏部尚書遷行省叅知者皆為遷也

蓋尚書三品而叅政從二品耳

永樂中人材馬麟為湖廣盛儀為浙江愈景周為山東周克敬為廣西俱左布政使孫豫為山西江西潤為河南艾瑛為浙江俱右布政使吳衡等六人為叅政叅議自是而後始絕響矣布衣弊方面可謂奇遇

按察使

類聚正觀初遣大使十三人巡省天下諸州水旱則有巡察安撫名龍神二年以五品以上二十人為十道巡察使按舉州縣再周而代景雲二年置十道按察使開元改十道按察採訪處置使天寶末又兼黜陟使乾元改觀察處置使宋開寶五年遣常參官四人分詣諸路相度田土苗稼點檢採訪公事九年遣和峴江南道採訪淳化二年諸路轉運司置提點刑獄景德以朝臣充掌察所部疑留獄訟勸課農桑而按其官吏之不法者詔三歲一遣郎中御史按察諸路監司元各道置提刑按察使司有副使簽書等員至正改肅政廉訪司 國朝建文曰肅政按察司

按察司

又遣戶侍夏原吉給事中徐思勉等二十四人充採訪使分巡天下問民疾苦旌廉斥貪得以便宜行事

為提刑按察司按察使正三品副使正四品僉事正五品其屬有經歷

正七品知事正八品照磨正九品檢校從九品之職焉

漢書昭帝始元元年遣王平等持節行郡國舉賢良問民疾苦元帝遣光祿大夫王褒等十二人循行天下

白集舜以五長綏四國若今之節制也周以十連率諸侯若今之廉察也

唐書狄仁傑為江南巡撫使吳楚俗多淫祠仁傑一切禁止止留夏禹吳泰伯季札五員四祠

常衮為福建觀察使閩人未知學衮至設鄉校使作為文章親加勸導由是習俗一變歲貢士與內州等馬亮徙福建提刑獄亮主部覆訊冤獄全活者數千人

德宗遣黜陟使十一人循行天下陸贄說使者請以五術省風

俗聽爭訟納市價訊簿書覽車服省作業八計聽吏治計戶口豐耗視墾田盈縮視賦役厚薄視案籍繁簡

等三科登俊人茂異賢良幹盡四賦經財寶閭稼度產料六德保罷察

敬老慈幼救疾恤孤賑貧窮任失業五要簡官事廢兵之冗食蠲法之撓人省官之不急去物之無用罷事之非

張九齡處分朝集使勅朕恭已守文布一心於兆庶明四目於萬方凡今政要畧有四端衣食本於農桑禮義興於學校流亡出於不足爭訟由於無耻近令刺史在任四考方遷實欲終始其情黜陟斯繫必若縣得良宰萬戶息肩州有賢牧千里解帶仁政不遙行之則是且如浮遊客戶所在安輯征鎮人家每事優當倉廩惟實賦役惟均鰥寡撫存盜賊禁止郵驛無弊姦訛

不生念茲八事朕常屬想卿等還州遞相飭勉遵此王度恤彼

下人

白帖明闡使憲勸宣王命提舉國章糾述王隱

吳湊德宗初出為福建觀察使政清美譽四騰

崔咸字重易陝號觀察使自旦

至暮與賓僚痛飲恒醉不醒簿領堆積成夜分省覽剖斷無毫釐之差胥吏以為神人

宣宗因讀元和實錄見故江西觀察使常丹政事卓異問宰相

孰為丹後宰臣周墀奏臣近任江西觀察使見丹行事餘風遺

愛至今在人其子宙見任河陽觀察判官上曰速與好官久之

拜江西觀察使政簡易南方以為世官宙弟岫字伯起盧攜舉

進士陋甚岫獨謂攜必大用攜執政岫自泗州刺史擢福建觀

察使云

崔鄴字廣畧昭愍時為陝州觀察使舊弊有上供不足奪吏俸

以益之歲八十萬鄴以廉使常用之直代之居二年政績聞於

朝遷鄂岳浙西觀察使至用寬政安疲人及居鄂渚則峻法嚴

刑未嘗賞一死罪江湖之間萑蒲是叢因造蒙衝小艦上下千

里暮月而盡獲群盜凡三案廉車率由清簡少事財用有餘人

遂寧叅子瑤歷浙西鄂岳觀察使瑾為湖南觀察使

敬宗荒僻日甚大臣罕得進言李德裕身居廉鎮傾心王室意

在切諫不欲斥言遣使獻丹宸箴六首一宵衣二正服三罷獻

四納誨五辨邪六防微

伊洛淵源濂溪先生周敦頤提點廣東刑獄不憚出入之勤瘴

毒之侵雖荒崖絕島人跡所不至處亦必緩視徐按以洗冤澤

民為已任



益公集何耕字道大除潼川提刑諭民作詩四十二篇語平易而教化寓焉郡邑家有其書強暴犯法父老必譙曰汝不誦何公詩乎往往知誨而民即無獄訟矣

楊誠齋送蔡定夫湖南憲方丈蓬萊第一人星軺玉節正青春送王季德提刑卿月使星銀漢曉繡衣綵服太湖秋

轉運使

類聚唐先天二年李傑始為水陸發運使使名之起於此開元二十一年裴耀卿以侍中充江南淮南轉運使而崔希逸蕭昊為副使始此天寶以常堅充勾當轉運使第五琦充諸色轉運使其後韓滉杜棕杜讓能崔昭緯皆以宰相充使而諸道分置巡院皆統馬五代罷巡院始置轉運使宋乾德後借偽畧平

始置諸道轉運使以總利權開寶六年廣南平除徐澤為判官蓋轉運判官始此其轉運使之名國初但曰勾當某路水陸計度轉運事官高者則曰某路計度轉運使太平興國初皆曰使兩省以上則為都轉運使又置副使與諸路判官又置同勾當轉運事慶曆中皆帶按察使之任後熙寧詔轉運使用本資序人充資序下一等為權二等為權發遣中興以來逐路都轉運使除受不常元置都轉運使正三品又置都漕運使茶鹽都轉運使各有副使知事等員 國初置京畿都漕運使專治京師軍儲後漕運責總督侍郎轉輸由布政使自建文陸廣東鹽課司為都轉運鹽使司今并兩淮兩浙福建等九六運鹽使司從三品有運同從四品運副從五品運判從六品經歷從七品知事從八品之職

馬

漢書秦欲攻匈奴使天下飛芻輓粟起於黃陲瑯琊至負海之

郡轉輸道北率三十鍾而致一石分紀高帝時漕山東之粟以給中都之官不過數十萬石

孝武通四南夷道作者數萬人千里負糴餽糧率十餘鍾致一石

昭帝五鳳中耿壽昌奏言故事歲漕關中穀四百萬斛以給京

師用卒六萬人宜糴三輔弘農河東上黨太原郡穀足供京師

可以省關中漕卒過半

唐書裴耀卿同門下平章事充轉運使於是置河陰集津三門

倉引天下租繇盟津汴河而西三年積七百萬石省運費三十

萬緡或說耀卿請進所省脚錢以明功利耀卿曰此蓋公家盈

縮之利爾不可以求寵乃奏充所司和糴等錢

德宗殺忠州刺史劉晏胡氏曰劉晏言利之臣而其言有不可

廢者出納必委之士類理財以養民為先官多則民擾論大事

不可計小費事必於一日中決之皆可法也

言行錄薛簡肅公天禧初為江淮發運使辭王文正公王無他

語但云東南民力竭矣薛退謂人曰真宰相之言也

事畧薛向為江浙等路發運使領均輸之職運舟兵士交相侵

盜貿易甚則託風水沉舟以滅迹向始募客舟以官舟運費募

寡而物全其舊弊悉去

宋書鮮于侁為京東轉運使司馬光曰欲救東都之弊非子駿

不可此一路福星也安得百子駿布在天下乎既至民大悅

富弼薦王紘為江東轉運使紘常言不法之人如使肆貪於一

郡一邑害良民千萬家不若去之止不利一家

黃允請置廉察罷轉運議其在唐虞則有十二牧在三代則有連率方伯正牧焉在兩漢則或稱刺史或稱州牧其實一也在皇唐則其大府有節度其次有觀察皆所以綱舉百柄持衆政作天子之藩宣也是故民之所仰望吏之所畏服朝之所毗倚其官必重其人必賢也今則不然外官小大自足及額悉統之轉運轉運非古也起唐中葉所以督錢穀而已矣今夫用錢穀之職總守宰之官守宰主宣教化者也教化義也錢穀利也利與義不能兩全足以下憂歲之不登而民之不粒上恐財之不豐而貢之不多是上下相戾也矧其充使者不過郎官御史其官既輕其人未必賢是民所仰望者卑也吏所畏服者弛也朝之毗倚者輕也

### 制置使

考索唐宣宗大中五年以白敏中充招討党項行營都統制置等使制置使之名始此宋朝不常置掌經畫邊鄙軍旅之事政和中熙秦用兵內侍童貫爲之建炎三年浙西安撫使康允之帶本路制置使紹興二年有沿海制置使

### 招討使

類聚唐貞元時置招討使自後隨用兵權置兵罷則停後以節度兼度支營田招討經畧使則有副使判官各一人五代後唐亦以招討使爲都統之副宋因之元有招討使副招討

唐書來瑱爲潁川郡太守充招討使肅宗以瑒武畧尤加委任

遷兼御史大夫收河洛屢挫賊鋒頻來攻皆為瑱所攻賊等

懼之號為來嚼鐵

王宰制一劍橫陣萬夫莫前亞夫緩急之任繼父絳侯祭尊德侮之才為吾子路

宋史范仲淹知慶州兼經畧招討使未幾賊兵三萬叩城仲淹

麾兵戰賊奔北久之王師再喪於定川關輔人心動搖及見仲

淹耀兵號令嚴明威震戎落人心遂安相賀曰邊上有龍圖公

為長城吾屬何憂

防禦使

類聚唐武后聖曆元年以夏州領防禦使防禦使之名自此始

開元二年薛訥為隴右防禦使天寶中安祿山犯順太郡要地

當賊冲者置防禦守捉使代宗授田承嗣魏博等州都防禦使

大率防禦隸所治州歲以八月考其治否以無虞為上考清苦

為中考政成為下考宋沿唐制置諸州防禦使元置諸州防禦

使掌防制掌賊事

宋史楊旼字延昭為防禦使屢有邊功天下稱揚無敵虜皆

畫其像而事之以禦鬼疾云

宣慰使

類聚宣慰使始於唐初元和置淄青兗豫等州宣撫使後始置

宣慰使大率藩方不靖則遣重臣宣諭安慰之故有宣慰使之

名宋置宣諭德音為職而已不與軍事無懸官大元沿唐制置

宣慰使副使斷事司經歷知事等員

國朝於雲貴雜夷處立

土官為宣慰使司置經歷

從七品分理焉

唐書田弘正圖魏博相衛具澶之地籍其人以獻宣宗美其誠

詔充魏博節度使又遣裴度宣慰度明辨具陳朝廷厚意弘正  
不覺自失迺深相結納奉上益謹復請度徧行其部宣示天子  
恩詔魏人由是歡服

勸農使

類聚唐有覆田勸農使宋至道二年以大常博士陳靖為勸農  
使景德三年詔諸道轉運使副使開封府知府及諸道知州刺  
史少卿監以上兼并勸農使其餘知州知軍通判等並兼勸農  
事天禧四年改諸路提點刑獄為勸農使副兼提檢刑獄公事  
各賜農田勅一部元置勸農使副昭祖田使者燕倉鄭淳曰  
特為諸稻田置使者收糶入  
唐書宇文融開元中為覆田勸農使乃奏慕容琦等二十九人  
為勸農判官按州縣括正丘畝招徠戶口而分業之又兼租地

安輯戶口使於是諸道收沒戶八十萬田亦稱是歲終羨錢數

百萬緡宋天禧四年李昉請印四時纂  
要齊民要術以付諸路勸農司

提舉

類聚提舉即漢耿壽昌常平之任也宋淳化中建常平倉景祐  
元年令轉運司與長史舉所部官專領之然尤隸漕臣熙寧遣  
使提領此蓋提舉常平之所始也熙寧七年又詔三司鹽鐵判  
官李紀三司勾當公事蒲宗閔經畫川蜀買茶充秦鳳熙河路  
博馬就除提舉成都府路買茶公事紀於秦州宗閔於成都置  
司後改名都大提舉茶馬事宣和三年詔河北京東路推行新  
法鈔鹽可添置提舉官一員此提舉茶鹽之所始也建炎五年  
詔諸路提舉常平併入茶鹽司仍以提舉常平茶鹽司公事為

名九年置經制司改常平為經制某路幹辦常平等公事元於

鐵冶市舶倉場庫務鹽場茶場酒稅總稅務多置都提舉同提

舉副提舉等員 國朝置鹽課提舉司九茶馬提舉司三有正

從五品 副提舉 從七品 吏目 從九品 之職焉

管子齊威公問何以為國管仲曰惟官山海可耳海王之國謹

正鹽策 姚穎制以幹蠱之才領鹽鹵之務管權條制動皆得宜

漢書武帝財用竭孔僅言山海天地之藏願募民因官作鬻鹽

官與牢盆注牢盆廩食也古名廩為牢盆煮鹽盆也又置均輸

鹽鐵官

張鷟集扶南襍種安西諸國跨險憑危梯山航海飛艎走浪望

鼠島而三休大舶參雲指麟州而一息為波象郡萬軸爭先鳥

泝蠻脫干艘競進

顏延年詩航琛越海輦艦喻障市舶錄市舶者其利不貴金山珠海天子南庫也又海南

諸國雜貨所集雜蠻夷貨也八蠻之賚五天之珍每歲山積

唐書正元初趙贊興茶稅而張滂繼之長慶初王播又增其數

裴休立十二條之利

宋史熙寧十年李稷提舉成都府等路茶場熙河市易事手詔

曰川茶一司創置雖久未能就緒倘非得材智之人益以事權

無所成李稷風力固已可仗然權勢輕小可依李紀例兼三司

判官舉劾官吏

鮮于侁字子駿熙寧初范鎮舉所知除利漕兼提舉常平上曰

鮮于侁定利路役書可為諸路法

張丞相家傳張商英提舉京西南路常平等事公以說獻曰頁

壽者不死貞樂者不憂貞治者不亂其說以長久冲澹為主上  
異其言召還上元豐聖德詩一百二十韻上曰卿不廢學如此  
耶除館職龍溪制掌捕山煮海之利以佐國用皆有鈔法視其  
歲額之登損以詔賞罰其給之不如期蓄之不如式  
與州縣之不加恤者皆劾  
以聞慶元制度臺度政

仁宗實錄胡則字子正提舉江南路銀銅場鑄錢監得吏所匿  
銅數萬斤吏懼且死則曰馬伏波表重囚而縱亡之吾豈重貨  
而輕數人之命止籍為羨餘

中興會要紹興二十一年李莊除福建提舉上曰提舉市舶司  
委寄非輕若用非其人則措置失當海商不至矣莊可發來稟  
議然後之任

國史劉季孫字景文監饒州酒稅王荆公為江東提刑處歷至

饒按酒務始至廳事見屏間有題小詩曰呢喃燕子語梁間底

事來驚夢裏閑說與傍人應不解杖藜携酒看芝山荆公問知

景文所作嘉嘆升車而去不復問務事月令仲冬之月兼用六  
物大酋監之無有差注

大酋酒  
官之長

郡守

考索郡守秦官并諸侯以其地為郡罷侯置一守分天下為三十

六郡郡置守尉監掌理其郡秩二千石守丞尉各一人守治民

丞佐之尉典兵漢景帝中元二年更名太守新室改曰大尹晉

郡守皆加將軍後魏初郡置三太守北齊制郡為上中下三等

後周郡太守各以戶多少定品命隋郡置通守唐武德改為州

刺史有上中下之別刺史加號持節天寶改為郡太守以近畿

為四輔餘為六雄十望十緊及上中下之差至德後州縣凋弊  
 刺史之任大為精選諸州始各有兵鎮刺史皆加團練使其任  
 重矣五代仍刺史之號宋祖開基召諸鎮會于京都賜第以留  
 之分命朝臣出守列郡號權知軍州事軍謂兵州謂民政焉其  
 後文武官參為知州軍事二品以上及帶中書樞密院宣徽使  
 職事稱判及太宗掌總理郡政宣布條教導民以善而糾其奸  
 慝歲時勸課農桑獄訟錢穀之事皆總焉乾道二年令不任守  
 臣不為郎元置上路達魯花赤上路總管兼府尹正三品下路  
 總管從三品上州達魯花赤上州尹從四品中州達魯花赤中  
 州知州正五品下州達魯花赤下州知州從五品散府達魯花  
 赤散府知府正四品又有諸州刺史從四品又置同知上下路

總管府事同知散府事同知上中下州事 國朝於省直設知

府正四品同知正五品通判正六品推官正七品其屬有經歷正八品知事

正九品照磨從九品檢校未入又置各州知州從五品有直隸者如

如壽州州同從六品州判從七品吏目從九品之職

史記漢文帝初興郡守為銅虎符竹使符國家當發兵遣使者  
 至郡合符符合乃聽受之以代古之珪璋從簡易也景帝詔曰  
 吏者民之師也車駕衣服宜稱令長史二千石車朱兩幡又續  
 漢志二千石皆皂蓋朱轡

漢書宣帝拜刺史守相輒親見問觀其所由退而考察其行以  
 質其言嘗稱曰庶民所以安其田里而無嘆息怨恨之心者政  
 平訟理也與我共此者其惟良二千石乎以為太守吏民之本



數變易則下不安民知其將久不可欺罔乃服從其教化故

千石有治理輒以璽書勉勵增秩賜金或爵至關内侯公卿缺

則選諸所表以次用之又詔曰制詔御史以其賢良高第揚州刺史黃霸為潁川太守秩比二千石

官場高蓋車特高一丈別駕主簿車緹油屏泥於軾前以彰有德

循吏傳漢世良吏為盛若趙廣漢韓延壽尹翁歸嚴延壽張

之屬皆稱其位王成黃霸朱邑龔遂鄭弘召信臣等所居民富

所去見思生有榮號死有奉祀此廩廩庶幾德讓君子之遺風

矣後漢書謝夷吾為荊州刺史遷鉅鹿太守班固薦曰夷吾少鷹儒術爰收荊州尋功簡能為外臺之表聽聲察實為九伯之冠遷守鉅鹿政合時雍

尹翁歸為東陽太守于定國欲屬託邑子兩人令坐後堂待見

定國與翁歸語終日不見其邑子既去定國謂邑子曰此賢將

汝不任事也又不可干以私

郡國志郭丹字少卿南陽穰人太守杜詩請為公曹丹薦鄉人

長者自代而去詩乃嘆曰昔明王興化卿士讓位今功曹惟賢

可謂至德勅以丹事編署黃堂以為後法註黃堂太守之廳事

吳郡平江太守所居之堂即春申君之子為假君之殿也因數

失火塗以雌黃故曰黃堂漢書解詁太守專郡伸理庶績勸農賑貧決訟斷辟興利除害

後漢書寇恂字子翼為潁川太守徵為執金吾從上過潁川百

姓遮道願借寇恂一年上乃留拜之侯霸守臨淮被徵百姓攀轅卧轡耿純守東都百姓

數千隨馬駕云欲復得耿君

漢制尚書令僕出為郡守郡守入為三公第五倫植虞鮑昱爰

延皆自郡守入拜三公董策今云郡守縣令民之師帥所以承流而宣化也馬周傳古者郡守縣令皆

選賢德由二千石入為宰相

後漢韓崇為汝南太守召見賜車馬東帛上勅崇曰汝南古腹

心之郡位次京師也文帝謂季布曰河東吾股肱郡故召君耳

董巴與服志九卿中二千石青綬二千石青綬千六百石黑

綬四百丞尉三百長相二百皆黃綬

世說漢龐仲達為漢陽太守郡人任棠有奇節隱居教授仲達

到先候之棠不交言但以薤一大本水一盂置戶屏前自抱孫

兒伏於戶下主簿白以為倨仲達思其微意良久曰棠是欲曉

太守水者欲吾清拔大本薤者欲吾擊強宗抱兒當戶欲開門

恤孤也馬援隴西太守但總大體諸曹白外事曰此掾史之任何足相煩若大姓侵小民黠者欲旅距此乃太守事耳

晉書王濬為廣漢太守夜夢三刀懸於臥室梁上須臾又夢一

刀去簿子殺曰三刀為州字又益一刀者明府其臨益州乎果

然張亮武定初拜太中大夫薛淑常夢亮於山上掛絲以告亮曰古之字山上絲幽字也君其守幽州也

鄧攸為吳郡太守不受祿載米來食唯飲郡中水而已去郡數

千人挽船進不得公少停夜中遁去人歌曰統如打五更鷄鳴

天欲曙鄧侯挽不來謝令推不去

南史裴邃字深明為廣陵太守左遷始安太守邃志立功邊垂

不願閑遠乃致書於呂僧珍曰昔阮咸顏延之有二始之嘆吾

才不逮古人今為三始非其願也將如之何後為竟陵太守開

置屯田公私便之顏延之字延年傳亮疾馬遷始安太守謝晦謂延之曰昔荀勗忌阮咸斥為始平郡今卿

始安可謂二始延年贈始平詩一麾乃出守

宋書張忠定公寢室中張燈炷香通夕宴坐郡樓更鼓番漏水

歷歷分明倘一刻差誤必詰之守籤者指名伏辜皆謂公曰神  
 明問李畋曰百姓果信我否對曰侍郎威信及民信服公  
 曰前一任則未也此一任稍稍爾只此一箇信五年方得成  
 王十朋守泉初到任會七邑宰勸酒歷告以愛民之意出詩示  
 之云九重天子愛民深今尹宜懷惻隱心今日黃堂一杯酒使  
 君端為庶民斟樊子蓋為武威守湯帝曰人道公清定如此  
 真德秀再知泉刑謝表韓定國起於徒中柳宗元用於貶所沒  
 齒飯蔬夫亦奚憾建牙作屏則匪所期敢圖阜蓋朱轡之華仍  
 泣紫帽清源之境 又知福州謝表先帝輟諸玉堂之廬俾  
 司漕計陛下滌其丹書之籍旋附藩條兩朝二紀之遭逢一節  
 四麾之赫奕重臨郡寄僅閱歲期水蘗自將粗謹酌泉之誓爾

絲是戒少寬竭澤之嗟

吳永叔知隆興府謝表恭惟皇帝陛下數引公卿欲聞四方有  
 水旱盜賊之奏親問守相要使庶民無嘆息愁恨之聲豈因一  
 介臣之微輒冒二千石之寄臣所領州在大江南界荆楊域嚮  
 也物華民富今焉地大國貧網密而訟益繁珥筆之風未珥民  
 窮而盜滋起弄兵之習尤存臣已於十二月十八日到府上訖  
 謹宣鴻化式慰黔黎紫馬朱衣雖動千里湖山之色玉珂金鑰  
 尚思五更京闕之朝

洪邁到任表禁門直址久違龍尾之趨藩郡落南忽玷虎頭之  
 寄今所領州故為劇鎮地方千里接甌閩百越之區縣列十城  
 介谿谷萬山之阻人虛僑而尚氣俗皆窳以難馴平時蒙珥筆

之聲曩歲蹈弄兵之釁皇風一暢既洗滌於三薰習氣相延殆漸摩而一變

潘子真詩話禮天子六馬左右驂三公九卿駟馬左驂漢制九

卿則二千石以右驂太守駟馬而已其有加秩中二千石者

也漢制秩二千石每歲一千四百四十五石中二千石一歲一千六百六十石舉成數者二千

乃右驂故以五馬為太守稱遊齋閑覽與學林云漢時朝臣出使以駟馬為太

守增一馬故五馬漢書東方千騎長人注諸侯也後唐崔衍奏

取州庫右魚契合却送左魚納省武德元年郡州領銅魚符記

室新書準飛輿上熊仗軾前早蓋分輝形檐耀彩退朝錄北都

郡守有過馬廳韓滉詩外使進鷹初得按中官過馬不教嘶注

鳴也唐時方鎮亦效之乃有此名杜甫贈李勉清高金莖露正直朱絲絃昔在堯四岳今之黃穎

川秦觀與東坡詩十里荷花菡萏初我公所至

有西河欲將公事湖中了見說官閑事亦無李白贈台守我家小阮賢剖竹赤城邊詩人多見重官燭未曾

然漢巴祇刺揚州在官不迎妻不然官燭

類聚漢有丞相分遣刺史州不常置武帝元封五年初置部刺

史十三人秩六百石成帝安和元年更名牧哀帝建平六年復

為刺史後漢建武刺史十二人各主一州晉太康中都督知軍

事刺史治民隋皇罷郡以州統縣煬帝大業初罷州置郡郡太

守舊有兵處則刺史帶諸軍事以統之宋沿唐制置諸州刺史

元亦置諸州刺史從四品

交廣紀秦兼天下改州牧為刺史朱明之時則出巡行封部玄

英之月則還詣天府表奏刺史言其刺舉不法者之使也

唐書太宗常曰朕惟治人之本莫重刺史故錄姓名於屏風與  
卧對之得才否狀輒疏下方以擬廢置於是官得其人人民無愁  
嘆始都督刺史皆臨軒用受後不復用然猶受命日對便殿賜  
衣服乃遣

裴光庭典名藩有異政明皇謂宰輔曰光庭性逐惡如扇驅蚊

盧貞累任大郡治有異績人畏之如神凡治奸惡既斷其  
罪又以其所犯刻石立門再犯必致之死籍謂之記惡碑

張九齡言六合之衆縣命於縣令宅生於刺史今京輔雄望之  
郡猶少擇之江淮隴蜀三河大府之外由京官出者或身有累  
或政無聞用牧守之任為斥逐之地或因附會以忝高位武夫  
流外計資而得不計於材刺史乃爾縣令尚何言哉

李華杭州壁廳記唐虞之代四岳十二牧分掌諸侯宗周有方

伯連帥之職秦有監郡漢魏以還初曰部刺史後曰州牧近代

罷州牧復為郡太守太守刺史無恒其稱秩同九卿假以符節

雖親如魯衛貴若周召任功安人往往除拜天寶中朝廷以尚

書郎人物之高選二千石元元之性命始以省郎臨大部

元結道州刺史廳壁記天下太平方千里之內生植菑類刺史

能存亡休戚之天下兵興方千里之內能保黎庶能攘患難在

刺史耳凡刺史若無文武才畧若不清廉肅下若不明惠公直

則一州生類皆受其害

杜註元結春陵行天子分憂之地得結  
華十數公落落參錯天下為邦伯萬物

吐氣詩云觀乎春陵行歎見俊  
哲情復見賊退篇結也實國禎

郡國野談王愿唐王元之後三代為池州刺史有戟門子朱元

迎道左獻詩云昔日郎中今刺史朱元依舊守朱門今朝竹馬

兒童子盡是當時竹馬孫

五代史吳越僊鎮永嘉百姓悅慕及移姑蘇温人有携家屬以從者謂之隨使戶

裴俠守河北日周太祖命獨立曰裴俠清慎奉公為天下最有如俠者與之俱立眾默然朝野歎服號獨立使君

蜀構杭孟蜀左丞歐陽彬衡山人博學能文泉以為嘉州刺史喜曰青山綠水中為二千石作詩飲酒為風月主人豈不嘉哉

宋史曾宣靖公公亮字明仲知鄭州為政惠和而尤能鈎考情偽禁戢奸盜郡多寇攘公至境悉竄他境路不拾遺外戶不閉

至既曾開門魏書王逸為光州刺史為政愛人廣設耳目時人謂有千里眼

憲章錄方克勤知濟寧州榜通衢諭上愛養元元之意民有

不平皆得踰府自言日引耆老端人訊以得失聘賢士為師選

補弟子員葺廟堂闢射圃日再視學親為正句讀較射禮屬縣

各立社學民墾廢田者閔三載乃稅丁產科徭均定等則凡有

役使務詢民便尤慎於庶獄月錄日省永嘉侯朱亮祖將舟師

數百艘北征河涸舟膠亮祖即趣五千夫浚河否則以軍法論

勤不忍煩民泣禱於天夜大雨數尺舟竟去

邵寶知許州躬課農桑教養兼舉倣朱子社倉立積散法為備

荒計作興學校諭諸生義利之辨讀書為文之則正穎考叔祠

墓改魏文帝廟以祀漢愍帝立范忠宣公祠於襄城裴晉公祠

於鄆城毀龍骨杖妖巫而許之風化蔚然改觀久之遷秩士民

遮道號呼咸稱不忍父師之去立祠祀之

類聚秦置丞郡以佐守在邊為長史掌兵馬漢因之于定國條  
 州大小為設治中別駕諸郡從事秩六百石晉因之而省郡丞  
 宋梁以下如之至隋改別駕治中為長史司馬煬帝罷之而置  
 郡贊治後又改為丞位在通守下至唐而郡丞廢矣武德元年  
 改丞為別駕十年改雍州別駕曰長史以皇族為之開元始通  
 用庶姓以貳都督刺史之職宋乾德初下湖南始置諸州通判  
 命刑部郎中賈玘等充建隆四年詔知府公事並須長史通判  
 簽議連書方許行下時大郡置兩員餘置一員元置總管府治  
 中正五品

**晉百官志**郡丞視通直一梁冠皂衣銅印黃綬秩六百石

隋書張須陁為齊郡丞屬歲饑將開倉賑給官屬咸曰待詔敕

不可擅與須陁曰吾若以此獲罪死無所恨先開而後上狀帝  
 知之而不責 敬肅字弘儉少以貞介知名歷長史司馬俱

有異績煬帝嗣位遷潁川郡丞大業五年朝東都帝令司隸大

夫薛道衡為天下郡官之狀道衡狀稱肅曰心如鐵石老而彌

篤御儉弘化太守來朝煬帝問天下清名第一者蘇威以儉對問其次以涿郡贊務郭絢潁川贊務敬肅對各賜絹令天下

朝集使送至郡以旌異焉

世說玄宗嘗賜酺三日上御五鳳樓觀者喧溢樂不得奏金吾  
 白挺如雨不能遏止上患之高力士奏河南丞嚴安之為理嚴  
 為人所畏請使止之上從之安之至以手板繞塲畫地曰犯此  
 者死於是三日指其畫以相戒無敢犯者

**職源**王之倅車注倅乃副車今以通判為倅者周禮謂太守之

副別駕長史司馬通謂之上佐漢制別駕從事史一人從刺史行部別乘一乘傳車故謂之別駕

**謝承書**周景為豫州辟陳蕃為別駕不就景題別駕輿曰陳仲舉座也不復更辟蕃惶懼起視職

**豫章列士傳**孔恂字巨卿新塗人也為別駕車前後舊有屏星如刺史車曲翳儀式時刺史行部因怒命去之恂曰明使君撤去屏星毀國舊儀此不可行別駕可去屏星不可省即投傳而去

**晉書**王祥徐州別駕以股肱之忠糾合義眾州境獲寧人歌曰海沂之康實賴王祥邦國不空別駕之功

後漢任文公為治中從事時天大旱白刺史曰五月一日當有大水宜令民預為備刺史不聽文公自貯大舟百姓或聞亦有為防者到其日旱烈文公急命促載使白

刺史刺史笑之日中天此雲起須史大雨至時滿湧十餘丈漂壞屋舍所害數千人文公遂以占術馳名

顧和字君孝總角知名族人顧榮雅相器愛曰此吾家之騏驎也必振衰族時宗人顧球為揚州別駕顧榮謂球曰卿速步君

考如是超卿矣  
**通典**武帝詔州郡佐史自別駕長史以下皆刺史太守自辟大

曆制刺史有故及闕本道使不得差攝俱令上佐知州事  
杜牧制半刺上佐得與二千石參校政事短長利病者也

吳帝送何倅半刺豈能淹驥足一封行下見龍墀杜半刺已勳荆李白送弟鄱陽司馬朱綬白銀章上官佐鄱陽晁無咎賀子瞻天教仁政滿東南青袍門人老州佐

**續通典**唐以堂吏朱儉廉為華州別駕給事中蕭倣駁曰別駕古為治中從事秩六百石與刺史別乘同宣教化任居刺史之



半豈宜以人吏兼副政之名

漢儀治中從事史一人居中治事主衆曹文書漢制也司隸功

曹從事即治中也

諸葛稱龐統曰士元非百里之才使處治中別駕之任始當展其驥足耳

益部耆舊傳柳宗字伯騫爲治中與人交結久而益親其所拔

進皆世所稱致位牧守鄉里爲之語曰得黃金一笥不如柳伯

騫所識

續晉陽秋車胤字武子風姿美劭機悟敏率桓温在荊州取爲

從事一歲至治中胤既博學多聞又善於激賞當時每有盛坐

胤必同之皆云無車公不樂太傅謝公遊集之日開筵以待之

習鑿齒少博涉才情透逸桓温奇之自州從事歲中三轉至治

中鑿齒史才不常温器之未三十用爲荊州治中謝朓曰不遇

明公荊州老從事耳

世說謝奕字無奕桓温辟爲司馬奕既上猶推布衣交在温坐

岸幘嘯詠無異常日宣武每曰我方外司馬

白居易司馬廳記江州左匡廬右江湖土高氣清富有佳境刺

史守土臣不可遠觀遊群吏執事官不敢自暇佚惟司馬綽綽

可從容於山水詩酒間由是郡南樓山北樓水滄盆百花亭風

篔石巖瀑布廬宮源潭洞東西二林寺泉石松雪司馬盡有之

矣苟有志於吏隱者捨此官何求馬按唐六典上州司馬秩五

品歲廩數百石月俸六七萬官足以亢身食足以給家州民康

非司馬功郡政壞非司馬罪無言責無事憂噫爲國謀則尸素

之尤蠹者爲身謀則祿仕之優穩者

周必大吉州通判廳記郡丞秦官惟掌兵馬自漢迄唐其名不常曰別駕曰司馬曰治中曰長史雖均號上佐其實從事之長耳故緹油屏軾下與主簿同賜而州牧或得辟置間以處任子及近臣之左降若起廢者於其政事嘗與聞邦國不空之誣宜其寥寥也

宋史始置諸州通判既非官屬故嘗與知州爭權每云我是監郡有錢昆少卿家世抗人也嗜蟹常求補外郡人問所欲何郡昆曰但得有螃蟹無通判處可矣世說孔思遠為後軍府長史雖醉日居多而曉明政理醒

時判決未嘗有壅衆曰孔公一月二十九日醉勝世人廿九醒

言行錄呂許公通判濱州人稱其材王文正公謂王沂公曰此人異日與舍人對秉鈞軸沂公曰何以得之曰以其奏請知之

如不稅農具數事卒與沂公並相

孔休源為晉安王長史休源累佐名藩甚得民譽王深相

侍伏常於齋中別施一榻云此是孔長史坐

自警編胡宿通判宣州有被誣以殺人者獄成議法將抵死公疑之呼囚以訊囚憚箠楚不敢言公正衣冠坐堂上思之俄而假寐夢有人來告曰吳姓也公遽引囚辟左右復訊之囚曰旦將之田縣吏執以赴官不知其由也公取獄辭窮治乃被歐之婦與吳姓姦姦者殺其夫與婦謀執平人以告也公以精誠格物如此

中興會要知成都席益奏州郡置倅所以佐郡守之治入則貳政出則按縣

仁宗實錄王質字子野通判蘇與知州黃宗旦數爭事宗旦曰

少年敢與文人抗耶質曰受命佐公事有當爭職也嘗以病在  
告一日宗旦省視因言獄有盜鑄錢百餘人吾以術陰鉤得之  
質曰弋不射宿惡陰於中物也今殺數人而徒流者又數十百  
人公中之也宗旦大驚為貸其死罪而餘悉輕出之

高宗日曆  
常同劾陸  
寘疏云寘乃內侍王通之客為明州通判避通名改  
稱府判今浙東州軍有呼通判為府判自寘始也

禪塵錄唐文皇聚一時名流天策府始有十八學士之號後來  
凡居館殿者皆稱之國朝任於外非兩制則雖帥守監司止稱  
寄祿官惟通判多從館中帶職出補如蔡君謨湖州歐陽文忠  
滑州王荊公舒州東坡杭州劉貢父赴秦倅詩云殿門金闕倚  
天開五見宮花落早梅明日扁舟滄海去却尋雲氣望蓬萊蓋  
在道山五載然後得之學士之稱施于外者惟通判而然今外

庭過呼大可笑也

類聚唐天寶有判官之名後唐長興二年詔有兩使判官防團  
推官軍事判官等是時判官多本州自辟舉清泰中始擇朝士  
為之宋朝沿五代之制兩使置判推官各一人元祐令京府判  
官至軍監判官皆為幕職

唐書崔造永泰中與韓會盧東美張正則三人友善居上元好  
言當世事皆自謂王佐才故號四夔浙西觀察李棲楚辟為判  
官

徐堅聖曆中東都番守楊再思引為判  
官官屬文典厚再思每日為鳳閣舍人樣

鄭從謹字正求為河東節度表王調劉崇龜趙崇李渥崔澤等  
為判官書記支使皆一時選京州士人比太原為小朝廷得才  
多也

會要書記支使自魏以來有其名宋太平興國詔諸節度  
凡書記支使不得並置有出身曰書記無出身曰支使位

在判官下  
推官上

周必大筠州判官廳記國家以民之休戚政之臧否寄二千石其設官有亞有旅亞者倅也位逼未免於嫌意不盡者多矣椽曹旅也分職以治各司其局而已若乃事無不預而非逼職未嘗分而情通惟幕職為然

杜甫送李判官燕臺上客意何如又才美膺推薦君行佐紀綱送常評事充判官子雖軀幹小老氣橫九州

類聚宋從五代之制兩使置判官推官各一人餘州亦置推官一人大元亦置推官

唐書韓退之知武寧張建封為推官操行堅正鯁言無所忌

傑孫兼謨元和才解褐襄陽推官言行剛直使府知名

